



Broj: KSI-09-236/24

Datum: 25.11.2024. godine

Na osnovu člana 25. tačka (g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, („Službeni glasnik Brčko distrikta Bosne i Hercegovine“ broj: 19/21) postupajući po anonimnoj prijavi, podnesenoj protiv nosioca javne funkcije, [REDACTED] Policije Brčko distrikta BiH [REDACTED], Brčko, [REDACTED] na 105. sjednici održanoj dana 22.11.2024. godine, donosi

ODLUKU

Postupak za odlučivanje o sukobu interesa protiv nosioca javne funkcije, [REDACTED] Policije Brčko distrikta BiH [REDACTED], Brčko, [REDACTED] neće se pokrenuti, obzirom da iz prikupljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine.

Образложење

Dana 07.11.2024. godine Komisiji za odlučivanje o sukobu interesa kao jednoj od više adresata, podnesena je anonimna prijava u kojoj se ističe da je nosilac javne funkcije, [REDACTED] Policije Brčko distrikta BiH [REDACTED], učinio niz povreda različite prirode te je zbog toga ista i dostavljena većem broju različitih nadležnih organa radi ispitivanja povreda odredaba Zakona u okviru nadležnosti svakog od navedenih organa. Između ostalog u prijavi se navodi da nosilac javne funkcije posjeduje veći broj nekretnina koje je stekao tokom obavljanja javne funkcije, da je sanitarno opremanje jedne od nekretnina urađeno od strane firme iz Brčkog zbog korištenja uticaja odnosno javne funkcije, da je odnos imovine i primanja nesrazmjeran odnosno, da za svu navedenu imovinu nema adekvatne finansijske izvore i dokumentaciju. Prijava u prilogu nije imala dokaze za navedene navode.

U cilju provjere navoda iz prijave, a shodno odredbama Zakona o sprečavanju sukoba interesa u institucijama Brčko distrikta BiH i Poslovnika o radu Komisije za odlučivanje o sukobu interesa Brčko distrikt BiH, Komisija je izvršila uvid kako u Izvještaj o imovinskom stanju nosioca javne funkcije, dostavljene priloge, prikupljene dokaze pri postupku provjere podataka iz Izvještaja o imovinskom stanju podnesene od strane nosioca javne funkcije tokom 2024 godine, tako i račune o izvršenim plaćanjima imovine nosioca javne funkcije. U cilju pojašnjenja navoda iz prijave i prikupljanja dodatnih dokaza, tačnije računa u roku od petnaest dana od dana podnošenja prijave Komisija je od strane nosioca javne funkcije dana 13.11.2024. godine tražila objašnjenje u dijelu određenih stavki iz Izvještaja o imovinskom stanju podnesenog 27.03.2024. godine za 2023 godinu i dopune Izvještaja o imovinskom stanju od 26.07.2024. godine, zahtijevajući i dostavu računa o plaćanjima imovine, odnosno načinu sticanja istih, te je 18.11.2024. godine nosilac javne funkcije dostavio obrazloženje o načinu sticanja nekretnina, račune za izvršene finansijske transakcije čime su dodatno potvrđene činjenice do kojih je Komisija došla u postupku provjere navedenih podataka iz Izvještaja o imovinskom stanju.

Uvidom u Registar imovine nosilaca javne funkcije koje vodi Komisija, svu prikupljenu dokumentaciju, dokaze o vlasništvu pokretnih i nepokretnih stvari nosioca javne funkcije i njegovog bračnog druga, te primanja (plate i prihodi od zakupnine) vezano za prijavljene prihode i rashode stečene tokom tri decenije braka i rada činjenično stanje imovine je:

- stan u Zvorniku u ulici [REDACTED], površine 65 m² vlasništvo nosioca javne funkcije upisan u list nepokretnosti broj: [REDACTED] Zvornik na osnovu Ugovora od 19.03.2007. godine iznos od 30.000,00 KM,

- stan u Brčkom u ulici [REDACTED], površine 38 m², vlasništvo nosioca javne funkcije upisan na osnovu ugovora o udruživanju sredstava za izgradnju stambenog prostora broj: [REDACTED] [REDACTED] zaključen dana 06.03.2017. godine i Aneksa ugovora od 07.07.2017. godine, kao i parking prostor površine 3 m² za iznos od 34.000,00 KM, upisane u etažni uložak: [REDACTED], stečen iz sredstava štednje uplaćivanih putem [REDACTED] ([REDACTED]) u dijelovima tokom 2017. godine te u renoviranje nekretnine utrošeno dodatnih 10.000,00 KM,

- stan u Banja Luci u ulici [REDACTED], površine 48 m², vlasništvo nosioca javne funkcije, upisan u Knjigu uložanih ugovora broj: [REDACTED], na osnovu Ugovora o prodaji broj: [REDACTED] zaključen dana 28.12.2018. godine, iznos od 95.000,00 KM, po „sistemu ključ u ruke“. Sredstva su obezbjeđena na osnovu Ugovora o kreditu zaključenom sa [REDACTED] [REDACTED] u iznosu od 40.000,00 KM i Ugovora o kreditu zaključenog sa [REDACTED] [REDACTED] u iznosu od 50.000,00 KM i plaćano u dijelovima tokom 2018. godine, a iznos od 5.000,00 KM uplaćen iz sredstava štednje bračnih drugova,

- stan u Trnovu, [REDACTED], površine 31 m², vlasništvo supruge nosioca javne funkcije, upisan na osnovu Ugovora o prodaji broj: [REDACTED] zaključen dana 31.03.2022. godine, iznos od 135.198,00 KM, po sistemu „ključ u ruke“. Sredstva su obezbjeđena na osnovu Ugovora o kreditu zaključen sa [REDACTED] nosioca javne funkcije u iznosu od 50.000,00 KM i Ugovora o kreditu zaključenog između supruge nosioca javne funkcije i [REDACTED] za iznos od 50.000,00 KM, te iznos od 34.600,00 KM uplaćen iz zajedničke štednje bračnih drugova,

- automobil Volkswagen marke Golf, godina proizvodnje 2021, kupljen 16.07.2024. godine za iznos od 33.000,00 KM, vlasništvo nosioca javne funkcije, iz sredstava obezbjeđenih od prodaje auta 27.000,00 KM i sredstava štednje u iznosu od 5.000,00 KM.

Dopisom Centralne banke BiH broj: [REDACTED] od 11.06.2024. godine uz koji je dostavljen Izvještaj o zaduženjima nosioca javne funkcije vidljivo je da je u periodu od 2017. do 2024. godine nosilac javne funkcije podigao više kredita kod različitih banaka za finansiranje stečene imovine.

Iz svega navedenog, a na osnovu raspoložive dokumentacije prikupljene u postupku provjere podataka navedenih u Izvještajima o imovinskom stanju podnesenih tokom 2024. godine na obrascu Aneks II- Obrazac o imovinskom stanju nosioca javne funkcije, bračnog i vanbračnog druga, djece i drugih članova domaćinstva, kao i lica prema kojima nosilac javne funkcije ima zakonsku obavezu izdržavanja, dopisa Centralne banke BiH, dopisa nadležnih organa koji posjeduju javne knjige odnosno evidencije nekretnina (ugovora, zemljišno knjižnih izvodaka, liste nepokretnosti), te dostavljene dokumentacije od strane nosioca javne funkcije, sve ukazuje da je nosilac javne funkcije imovinu sticao obezbjeđivanjem sredstava iz kredita i jednim dijelom iz sredstava štednje nosioca javne funkcije i bračnog druga tokom dugogodišnjeg perioda rada i stečenih prihoda, te da nije povrijedio odredbe Zakona o sprečavanju sukoba interesa u institucijama Brčko distrikta BiH.

Slijedom navedenog Komisija je donijela Odluku kao u dispozitivu

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 od strane nosioca javne funkcije.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

1. Anonimnom podnosiocu, putem oglasne table,
2. Internet stranici Komisije,
3. Evidenciji i
4. Arhivi